



15. oktober 2020  
Atassut

UKA 2020/197  
Aqqalu C. Jerimiassen

**Namminersorlutik Oqartussat ingerlatseqatigiiffiutaanni aamma tamakku ataanni ingerlatseqatigiiffinni siulersuisuni ilaasortat akissarsiaqartinneqalernissaannut politikkip kaajallaasitanngortinneratigut pisortatigoortunngortinneqarnissaa pillugu Inatsisartut aalajangiiffisassaattut siunnersuut.**

(Naalakkersuisut Siulittaasuat)

Kinaluunniit suliaminut naapertuuttumik akissarsitinneqartassaaq. Sumiluunniit suligaluaruni suliaminut tulluurtumik akissarsisariaqarpoq. Pisariaqarluinnarporlu aamma atorfimmi sumiluunniit kinaagaluarpalluunniit piginnaasat pikkoriffiillu aallaavigalugit atorfinitsitsisoqartarnissaa.

Pingaartipparpullu Namminersorlutik Oqartussat ingerlatseqatigiiffiutaanni atorfinitsitsisarnerup politikkiput pilerngussutaavallaannginnissaa, suliffeqarfiummi ingerlanneqarnera pingaarnepaajusuaannassammat.

Atassummiit akissarsiat pillugit torersumik pisortatigoortitsinikkut kaajallaasitanngortitsinissaq taperserparput. Ullutsinnimi pisortani inatsisinik avaqqutaarinnissinnaanerup ammariartuaarnerani pisariaqarluinnarpoq ersarissaalluarnissaq.

Taamatut naatsumik oqaaseqarluta siunnersuut ataatsimiititaliamut innersuupparput.